

ЛҮИМӐ СЭРИПОС



www.khanty-yasang.ru

Общественно-политическая газета

E-mail: luima@ugracom.ru

10 октября
2014 года
№19
(1085)

Основана 11 февраля 1989 года

Мӑнь таквс ӗтпос атыт хӧталэ – нӑврамыт ханищтан мӑхум янытлан хӧтал



А. Алгадьева ӵарум хури.

Лариса Юрьевна Хозумова налыман нупыл акв тӑл Хӑльӱс район Хулюм-сунт школат рӱпиты, ӧвыл классыт ханищтан нӑг ӧлы. Лариса Юрьевна сака кӑркам, нӑмса хӧтпа. Нӑврамытн ӗруптаве, рӱпитан юртанӗн янытлаве.

Ханищтан хӧтпат янытлан хӧталыл пуссын янытлыанӱв! Сӑв тӑл пуствӑгыл ӧлӗн. Посыӑ хӧтал, шуниӑ хӧтал нӑнанн. Йильпи номт, хоса нот. Ханищтан нӑвраманын лӑтыӑ вос хунтлӑгыт, ӗмашакв вос ханищтахтӑгыт.

Ты
номерт
ЛОВИНЬТӢН:

Ханищтан хӧтпат
губернаторн
янытлавӑсыт

3

Сӑккон хаснӑ
мӑхум
рӱпитасыт

4

Ӗква рӱпата
тӑл ат ӱнлы

9

Яныгхӧтпат
янытлан хӧтал
кастыл

10-11

Нӑврамыт
туи ӗмашакв
ӱцлахтасыт

14

Мāхум янытлавёсыт

Сāвсыр мирыт тāнки халанылт ёмщакв вос
«Губернатор премия» наппа олн-нётмил миве.
Ты вāрмалъ руцщирыл «За вклад в развитие
меж-этнических отношений в Ханты-Мансий-
ском автономном округе – Югре» лāваве.

Мōлал Ханты-Ман-
сийск ўст Экспертный
советт рўпитан хōтпат
акван-атхатыгласыт.
Хотьют Губернатор пре-
мия-олныл ань май-
вес, нāн ты урыл элалъ
ловиньтēн.

Округ губернатор
постановлениятэ щир-
ыл, ты премия-олн
2011 тāl пāсныл май-
лаве. 2014 тālт ты совет
хўрмиттыг акван-атха-
тыглас. Округ янытыл
сāвсыр мāныл пуссын
аквѣёт налыман нупыл
нѣлолов хōтпа урыл
заявление-нѣпак ъхтыс.
Ос ты премиял щар мāk
хōйхатнэ хōтпат ми-
вет. Таимāгыс эксперт-
ный советт рўпитан
хōтпат ты мāхум тāра-
паттысаныл.

Ты совет кўщайг
Юрий Александрович
Изосимов олыс. Тав ань
культура департамент
кўщай пѣнтсыл рўпиты.
Тавѣн Евгения Михай-
ловна Касаткина нѣтыс,
ты нѣтворчество кол
отдел кўщайг олыс. Секре-
тариг Елена Евгеньевна
Исламуратова, культу-
рат рўпитан нѣ, ос олыс.

Тāн ътаныл Людмила
Александровна Алфѣ-
рова, губернатор ваңын
хум палт советникыг
рўпитан нѣ, Елена Бори-
совна Плеханова, сāвсыр
мирыт ът рўпитан нѣ ос
мōтаныт, пуссын аквѣёт
лов хōтпа ты вāрмалъ
щирыл рўпитасыт.

Советыт рўпитан
хōтпат мāхум кѣтыглам
заявления-нѣпакыт пус-
сын ъмашакв ловинь-
тасаныл ос ты хōтпат
губернатор премия ол-

ныл мисаныл. Ты мāхум
янытлавёсыт:

– М.Ф. Рябова, Бело-
ярский ўс «Увас хура-
мат» наппа ънгын колт
рўпитан нѣ;

– Л.Р. Хомляк, Белояр-
ский ўс «Увас хурамат»
ънгын колт рўпитан нѣ;

– М.В. Кабакова, Бело-
ярский район Кāсум
пāвыл соссаң нѣврамыт
«Нумсаң ъх» наппа
ўщлахтын мā кўщай нѣ;

– Н.С. Цыбина, Ниж-
невартовск ўст мāнь
нѣврамыт ханищтан нѣ;

– А.К. Франгу, Сургут-
ский район Солнечный
пāвыл нѣпак ловиньтан
кол кўщай;

– Л.Ш. Кашапова, Хан-
ты-Мансийск ўс творче-
ство колт мāнь нѣврамыт
ханищтан нѣ;

– З.С. Куканбаева,
Ханты-Мансийск ўс
«Дуслар» наппа татаро-
башкирский клуб колт
рўпитан ъква;

– О.М. Норова (Аня-
мова), Ханты-Мансийск
ўс «Лылың союм» наппа
нѣврамыт ханищтан
колт соссаң нѣврамыт
ът рўпитан мāныщи нѣ;

– С.Э. Киберов, Хан-
ты-Мансийск ўс «Да-
гестан» наппа мир
юртыңыщ олнэ культу-
ра колт рўпитан хум;

– Е.Н. Молданова,
Ханты-Мансийск ўст
олнэ мāнылат мāхум
организацият рўпитан
ханты нѣ.

Ты коньпал ос ты
организацият ъма-
щакв рўпитан ъныл
мāгыс премия-олныл
майвёсыт. Хāльўс рай-
он Ясунт пāвылт олнэ
«Мāнь ўскве» наппа



О.М. Норова āгитѣ ът

В. Уѣль вāрум хури



«Увас хурамат»

И. Самсонова вāрум хури

нѣврамыт ўщлахтын
кол, тот мāныщи нѣ Л.П.
Стаканова кўщайг олы.
Нижневартовск ўс «Ва-
тан» наппа обществен-
ный организация яныт-
лавес, тот кўщайг З.Ю.
Валеева олы. Нягань ўст
олнэ «Алания» наппа
осетин мāхум культура
коланыл, тот кўщайг В.Х.
Абаев рўпиты. Сургут ўст
«Руц мāхум культура»
наппа общественный
организация, кўщайг тот
Е.В. Лоншакова рўпиты.
Сургутский район Фѣ-
доровский пāвылт олнэ
«Кумыки» наппа кумык
мāхум культура кол, тот
кўщайг А.К. Керимов
олы. Ханты-Мансийск
ўст олнэ «Немецкая на-
ционально-культурная
автономия» наппа об-
щественный органи-
зация, тот кўщайг Е.И.

Кизнер рўпиты. Хан-
ты-Мансийск ўст олнэ
хōнтлам мāхум обще-
ственный организа-
цияныл, кўщайг тот
В.А. Корнеева олы. Хан-
ты-Мансийск ўст олнэ
«Ялпус мāхум» наппа
щѣмьяң ънгын кол,
кўщайг тот А.Р. Ишtimi-
рова-Посохова, хантынѣ
олы. Ханты-Мансийск
ўст олнэ «Вахдат» наппа
таджик мāхум культура
коланыл, тот Ш.Б. Норов
кўщайг рўпиты. Ханты-
Мансийск ўст олнэ «Гар-
мония» наппа культу-
ра кол, тот Г.А. Выдри-
на кўщайг олы.

Ты хōтпат рўпатаныл
мāгыс пуссын премия-
олныл майвёсыт.

**«Культура» творческое
объединение кѣтум потре
мāныщи лātныг Николай
МЕРОВ толмашластѣ**

ЛЯХХАЛЫТ

Ханищтан хөтпат губернаторн янытлавёсыт



Ты журиг округ губернатор Н.В. Комарова
Анатолий Владимирович Мудрый янытытэ,
ойка Сургут үст өлнэ лицейт рупиты. Тав РФ
Президент палыт эсгын нэпакыл майвёс.

Ты этпос нилыт хөталэт округ губернаторув Наталья Комарова Невтеюганск үсн ялыс. Тав тот савсыр школатт рүпитан махум эт вацинтахтас ос ётыл мот тэлат уральтас.

Округ янытыл ёхта-лам ханищтан хөтпат «Обь» намба культу-ра центрыт акван-атхатыгласыт. Тән ётаныл Наталья Комарова пащалахтас ос ялпың хөталаныл кастыл пуссын янытласанэ. Ту-выл сав тал школат ём-щакв рүпитан махум ос тэланыл кәркамыг, мұсхалыг вәрнэ хөтпат мүйлупсал мисанэ.

Ханищтан хөтпат халт хұрум элумхолас Россия Президент палыл янытлавёсыт. Нижне-вартовск үс лицей кұщай нэ Нина Егоровна Арий «За заслуги перед Отечеством» II степени пөсыл майвёс. Мотхұрум хөтпа ханищтан тэланыл ём-щакв вәрнэныл магыс премия-олныл ос тастувёсыт.

Тувыл нилахуйплов хөтпа Министерство образование палыл яныг намыл майвёсыт

ос эсгын нэпакыл мүйлуптавёсыт, ос кит хөтпа округ палыл эсгувёсыг. Ты коньпал округ янытыл олыглам касылыт нөх-патум махум ос янытлавёсыт. Ётыл ты мүйлуптым махум эт Наталья Владимировна янас хөнтхатыглас ос тән ётаныл щай айнэ порат савсыр тэлат урыл по-тыртас.

А к в т а х ө т а л т хұрумхуйплов ханищтан хөтпат йильпи өлнэ колн щалтсыт. Ты кол өвыл «аренд-ный» колыг лававе. Ань йильпи үнттым колн округ кұщаюв ос ялыс. Тот колыл маим махум туманнёлмыл мүйлуптавёсыт. Пус-сын хот-щәгтсыт, тән магсыланыл тьи хосат тагыл үрхатнэ ос мак эрнэ мүйлупсаг олыс.

Тамара МЕРОВА

Мирколытт рүпитан мир урыл ляххал

Ювле хультум этпост округ миркол кұщайт сапрәнияныл олыс, тувыл округ Дума депутатыг акван-атхатыгласыт. Тән танти ура-ныл хансым сәккон ань ловиньтасаныл ос мот щирыл хассаныл.

Та сәкконт тамле вәрмалы урыл хансыгласыт. Округув янытыл мирколытт рүпитан махум (рущ ләтңыл тән «госслужащи-иг» ләвавет) өлнэ кол ёвтнэныл магыс янас субсидия-олныл маиглымат. 2006 тал пасныл 2012 тал мус 356 хөтпа кол ёвтмыт, тән пуссын аквёет 267 млн. солкөви вимыт. Ань ты олн үрим 345 хөтпа очередин хансым олыс.

Округ губернаторув Наталья Комарова лавыс, 2017 тал өвыл этпосэ мус тән кұщайг өлнэ махум кол ёвтнэ магыс олныл миңкв ат патыяныл. Округувт субсидия-олн сав маньлат хөтпа, сассаң мир үрөгыт, өвлэт тананылн нөтуңкв эри.

Губернатор
пресс-службаныл тётым
ляххал маньщи ләтңыл
В. ХОЗУМОВА хансытэ

Округ правительстват рүпитан кұщайт сапрәни вәрыгласыт, тән пенсият өлнэ махум урыл нэпак пирмайта-сыт. Ты нэпак щирыл Югра мат ос Тюменский областыт өлнэ 220 сөтыра пенсионер-хөтпа олныл мивет.

Пенсият өлнэ махум олныл мивет

Тюменский областыт туп та махум мивет, хөтют 15 арыгкем тал округувт рүпитас. Мирн нөтнэ округ департаментыг кұщайг рүпитан нэ Мария Краско ляххал тогнэ махум эт потыртаме порат лавыс: «Округувт пенсият өлнэ махманув яныг таквс этпост акв сөтыра солкөвил тах ойтавет.

Тәнанылн заявление-нэпак хансуңкве ат эри, ты олн-нөтмил пенсияныл эт тах ёхты».

Пенсият өлнэ махум тамле олн-нөтмиыл касың тал округув янытлан хөтал кастыл мивет.

Губернатор пресс-
службатэ кётум ляххал
маньщи ләтңыл
Л. ТАСМАНОВА
хансытэ

**Ты этпос
өвыл хөталэ
яныгпала
хөтпат
янытлан
хөталыг олыс**

Югра мат рүпитан депутаттыт ос ам яныгпала хөтпанув ялпың хөталыл янытлыанув!

Тыи нан вәрүм рүпатан хосыт мән округув нөх-патыс. Нан яныг хөнт олум талытпоратпилталыг мав вуянтаслын, хул алыштым ос вораим фронтын нөтсбн. Ту-выл мән павланув, усанув унттысанын, савсыр мат ос ма-вөй нөх-винэ матёмшакв рүпитасын.

Нан пенсиян патхатым үшлахтуңкве ос ат алымегын, нан ань культура тэлат, пусмалтахтан на-кыт элалъ тотыянын. Таимәгыс мән нанан яныг пүмашипа латың лавөв, сөтыңыш ос пустәгыл сав тал өлән.

**Округ Дума күшай
Б. ХОХРЯКОВ
көтүм ләтңе
мәньши ләтңыг
Т. МЕРОВАН хасвес**

Сәккон хаснэ мәхум рүпитасыт

**Туи үшлахтаманыл юи-пәлт мирн
пәриим депутаттыт акван-атхатыгла-
сыт, тән ань округ Дума өвыл заседа-
нияныл олыс. Ловиньтам сәкконаныл
тән ань савыңпалэ пуссын йильпи
ләтңыл хассаныл.**

ӨЛНЭ МӘГЫС ОЛНЫТ НӨХ- НӨТВЭСЫТ

«Прожиточный ми-нимумыг» ләвнэ олныт сәккон хаснэ мәхум ань нөх-нөтсаныл. Няврамыт мәгыс ань тысәвит олн хасвес – 11 сөтыра 354 солкөви, ты элы-пәлт этпосытт няврамыт мәгыс 11 сөтыра 118 солкөви хансым олыс. Пенсия винэ мәхумн акв этпосн 9 сөтыра 566 солкөви хасвес. Ты пирмайтым сәккон щирыл 2015 тал өвыл этпосныл пенсионерыт ос няврамыт арыг 230 солкөвил миңкв патавет.

Акв-мән патум хөтпатытн нөтмил те вәрәве, тән хотты казөн-ный колт онышавет те манос тананылн нөтуңкв мәхум юв ёхталәгыт те, тән пенсияныл 75%

сәвит олн юв-үраве. Ты вәрмалъ мәгыс сәккон ос акваг йильпииг хан-саве.

СОССАҢ МИР МӘГЫС ХАНСЫМ СӘККОНЫГ

Ань депутаттыт ты заседаниянылт соссаң мир мәгыс хансым тит сәкконыг урыл потыр-тасыт. Акв сәккон руш ләтңыл тох ләваве – «О факториях», мөтанэ – «О территориях тради-ционного природополь-зования».

2013 тәлт общинат «факторияг» ләвуңкв патвөсыт. Округув яны-тыл 11 тамле орга-низация рүпиты. Ты йильпи тәла өвылтам порат тән сака ёмашакв нөтвөсыт. 2013 тәлт тән мәгсыланыл 58 млн. солкөви майвес, ты 2014 тәлт 1 млн. 200 сөтыра солкөви миве. Мөтыт 2015 тәлттуп 453 сөтыра солкөви тәставе.

Еремей Данилович Ай-пин депутаттытн лавыс, тән округ күшәюв Ната-лья Комарова пәлт ял-сыт, ләвсыт, соссаң мир факторияныл мәгсыл сака мощца олн тәставе. Округувт кәсың районт акв-тит тамле рүпитан мә олы. Хальүс районувт 2 фактория рүпиты – ты «Рахтыня» ос межрай-потребсоюз.

Сургутский районт «Яун-ях» нампә об-щина вәрвес, тот 248

хөтпа рүпиты. Тән 1 млн. солкөвил майвөсыт. Об-щинат рүпитан хөтпатн рүпата олн ойтнэ мәгыс олн шар ат төвылхаты. Ты урыл Айпин күшәюв лавыс, ань Россияв мәгыс савсыр «эконо-мический санкция» хөн мат ты вәрөгыт. Ты хосыт тәнүтыт, пормасыт ты-наныл сака нөх-ләпөгыт.

Ос ань мән соссаң мәхманув пил вәтөгыт, хул алышлэгыт, сәлы онышөгыт. Ты хосыт округувт өлнэ мир тыттуңкв ос кос рөви. Таимәгыс община өшнэ мәхум нөтуңкв эрөгыт, тананылн ань олн миңкв эри, матыр эрнэ ут тән ёвтуңкв вос вөрмөгыт.

Мөт сәккон ос таимәгыс мөт щирыл хасвес. Сав тал ювле хуль-тум порат кәркамнувег өлнэ соссаң мәхум тәнти өлнэ мәнаныл «родовой угодияг» хассаныл. Ань ты йильпи сәкконытщи-рыл тән өлнэ мәнаныл тох ләвавет – «терри-тории традиционного природопользования». Округув янытыл 475 там-ле мә олы. Ты мат тар-мыл өлнэ ос нэпаканыл атуңкв алымам мәхум ань савсыр олныл ойтә-вет, нөтавет.

Ос ты коныпал сав соссаң хөтпа нэпак вәруңкв ат алымасыт. Тән ос вөрт өлэгыт, сәлы үрөгыт, пил вәтөгыт, вораөгыт. Пөс олупсав элалъ тотыянын. Тананылн ос нөтуңкв эри. Ань ты хөтпат нама-ныл пуссын акв нэпакн хансавет, ос округ мир-кол пәлыл нөтуңкв пата-вет. Тамле хөтпа округув янытыл сака сав олы.

Валентина ВАСИЛЬЕВА

Ханты-Мансийск яныг үсыг ёмты

Ханты-Мансийск үст мирколт рүпитан мәхум тамле ляххал төтсыт. Ты тал хөт этпос сыс үсувт 906 няврам самын патыс, 3 сөтыра арыгтем хөтпа мөт мәныл мән үсувн өлуңкве ёхтысыт.

Үсың мир пуссын ловиньтавөсыт, нэпак щи-рыл үст ань 95 сөтыра 310 хөтпа олы. Хусахтем тал ювле хультум порат үсувт туп 30 сөтыра арыгтем мир олыс. Савыңпалэ сав нэ, аги олы – 49 сөтыра 371 хөтпа; хумыт, хум няврам мощ-шанув – 45 сөтыра 939 хөтпа.

Үс күшай Максим Ряшин лавыс, үст өлнэ мир яныгсәт савитыг хунь ёмты, миркол нэпакыт пуссын мөт щирыл хансуңкв эрөгыт, ты Устав-нэпаке, савнув депутат үс Думан пәрияңкв эри, мөт савсыр рүпата тах вәрөгыт.

**Үс мирколныл тётым ляххал мәньши
ләтңыл В. Хозумова хансыстэ**

КҰЩАИТ РҰПАТАНЫЛ

Нәй харыгтан махум ань ханищтахтэгыт

Округув янытыл ма-вит ўргалан колт кұщаиг ӧлнэ хум Евгений Платонов ляххал тотнэ хӧтпатн акв-кит латын лавыс. Ань ты тал мансавит мат вӧрув нәйн нӧх-ёсвес, ты урыл тав мощ потыртас.

Ты хум лавнэтэ щирыл, ты тал ӧлнэ мавт вӧрув туп мӧрсың мат нӧх-пеламлалвес. Лұпта этпос пәсныл сұқыр этпос мус округувт 219 вӧрың ма пеламлалвес. Мӧлты тал ос 640 тамле ма лӧмт ӧлыс. 2012

талт май туи порат сака рёгың ӧлыс, та порат 1600 вӧрың ма нӧх-ёсвес. Нәй нелме шар павлыт мус ёхта-лас, махум торыңыщ лылтункве ат вёрмысыт. Та порат вӧрт нәй харыгтан хӧтпа ат тӧвылхатас,

махум тыг элы хӧн маныл вӧвыглавёсыт, вӧрт рұпитан сав десанникыт тыг ёхтала-сыт, нётсыт.

Товлыңхәпыт ос вертолётыт нӧх акваг тыламлалсыт, вӧрың мананув уральтасаныл. 11 савит Ан-2 товлыңхәпыт округув янытыл акваг яласа-сыт, Ми-26 ос Ми-8 вертолётыг ос вит ёт нӧх-лапыгласыг, мав нумыл сӧсантастән.

Тәрвитың порат рұпитан махум ос десанникыт ань ханищтахтэгыт, тән магсыланыл Радужный ўст ос Уват павылт ханищтахтан кол-капаиг унттувесыг. Евгений Платонов лавнэтэ щирыл, нәй харыгтан махманув 2015 тал кастыл ань ёмашакв ханищтахтэгыт, ӧлнэ мав тах мұсхал щирыл ўргалыяныл.

Колыт магыс савнув олн виңкв патаве

Сұқыр этпос онтоловит хӧталёт Ханты-Мансийск ўст ляххал тотнэ махум кит яныг кұщаиг ёт хӧнтхатыгласыт. Акв хум наме Виктор Николаевич Шаповал, тав округ янытыл кол унттын мат ос нәйпос вәрмалы палт кұщаиг ӧлы, китыт хум ос Сергей Викторович Макаров, тав ос Югорский фонд нампа колыт йильпииг щёпитан мат кұщаиг ӧлы.

Тән кит тәла урыл потыртасыг: «Колыт ань тал кастыл хумус щёпитавёсыт» ос «Касың этпос ӧлнэ колыт магыс ойтхатнэ порат махум ос акв йильпи тәла магыс олн ойтункве патэгыт – кол йильпииг щёпитан магыс».

Виктор Николаевич лавнэтэ щирыл, округув янытыл 60-70 % савит ӧлнэ колыт йильпииг щёпитаңкве эрэгыт. Колыт акваг кос щёпиталвёсыт, ос махум ты рұпата ат янытласаныл. Ань танти олн ойтункве патэгыт, тах

ущ пұмшалахтэгыт, коланыл коны матэ сыстам ман ати, йильпииг вәрнэ поратэ ёхтыс ман тох иң мощ вёриты. Тыи магыс ты кұщаит тох вәруңкве номылматсыт. Касың кол 15 тал сыс акв щёсийильпииг щёпитаве. Сака пёс колыт магыс махум ойтхатуңкве ат патэгыт.

Махум танти олн ойтнәныл коныпал государствав ос нёты, мӧт охсатэ ос тав ойтытэ. Москва ўст тох 2 миллиард солкӧви атвес.

Тән хунь ты йильпи нәпак хассыт, ки-

тыглахтан латын сака сав ӧлыс. Колыт пуссын аквторыг йильпииг вәрапаңкве хунь вёрмавет. Кұщаит ӧвлёт пәриёгыт, ань касың тал хоты колыт щёпитаңкве, тувыл рұпитаңкве уц ӧвылтахтэгыт. Ханты-Мансийск ўст ӧвлёт Чехов ос Мира ўсхулыг хосыт ўнлын колыт щёпитавет, мӧт колыт ос ётылнув тах уц щёпитавет. Ты ман мак яныг ўсув, тавё ёмашакв вәруңкве эри.

Сергей Викторович лавнэтэ щирыл, 2014-2016 талыт сыс ӧлнэ колыт магыс 6 миллиард савит солкӧви тастувес. Округув янытыл ань яныг колытт ӧлнэ хӧтпа ёлалы ос нӧх тотыглан тер колхусап (руц щирыл лифтыг лававе) – 44 савит тамле колхусап пентункве эри. Тән матыр шаңканыл хотсакваласыт манос хосат тагыл ат рұпитэгыт. Туп Нягань ўст 22 тамле тер колхусап пентункве эри, акв тамле ут тынэ 2 миллион савит солкӧви. Мӧтаньтос округувянытыл пуссын пентавет тах.

Касың ўст, касың районт кұщаит танти номсэгыт, тананылн ху-

мус рұпитаңкве, хоты колыт ӧвлёт щёпитаңкве эри. Касың колт ӧлнэ махум ты рұпата танти ос тах уральтыяныл, коланыл мұсхал щирыл варава ман ати.

Тал кастыл колыт мұсхал щирыл щёпитавёсыт ман ати, Виктор Николаевич тох лавыс: «Округув янытыл колыт тал кастыл ёмашакв щёпитавёсыт. Колыт магыс 3 миллиард 357 миллион савит солкӧви тастувес. 505 котельныйт йильпииг щёпитавёсыт, вит тотнэ турпат 4226 вёрыста йильпииг пентвес. Исум вит сӧснэ турпат 85% йильпииг вәрвёсыт. Ань ты хӧталытт рёг тотнэ турпат хосыт исум вит ты таратаве, касың колт рёгыңыг ёмты.

Мән акв тәрвитың вәрмалы ӧнщев – сака сав хӧтпа ӧлнэ коланыл магыс ат ойтхатэгыт, савыңпалэ нәйпос магыс ат ойтэгыт. Ань ты хӧтал мус 200 миллион арыг солкӧви ойтункве эри, тән ань арнта олныг та ӧлэгыт. Округт ӧлнэ махум, ӧлнэ коланын магыс тәра ойтхатән. Арнта ат те ӧнщегын, тонт роттыг ӧлэгын».

Светлана ХОЗУМОВА



Финно-угор нъяврамыт мүйлуңкве ӧвылтахтэгыт

Ты этпос 16 хӧталт Россият ӧлнэ финно-угор нъяврамыт магыс нилыт мирхал фестиваль вӧраве. Ань ййквнэ ос эргын нъяврамыт Марий Эл маңыл мүйлуңкве ӧвылтахтэгыт. Та юи-пӧлт Коми республикан минӧгыт. Тувыл ос Удмуртия маң, ос юи-ӧвыл концертаныл Коми-Пермяцкий округт вӧраве. Ты вӧрмалин нъяврамыт сӧвсыр маңыл акван-атхатэгыт.

Ты коньпал 2015 тӧлт Карелия мӧт финно-угор мирыт ӧс акв тамле яныг концерт тах вӧрӧгыт. Щар ӧвыл концерт 2008 тӧлт ӧлыс. Та пӧсныл ты тӧла акваг элалы то-таве. Махум ты вӧрмалы сака эруптыяныл, ййквнэ ос эргын нъяврамыт яныг щӧгыт урияныл. Ты мүйлылн вӧрмалы кӧсың тӧлныл мӧт-мӧт щирыл пӧмщиң вӧрыглаве.

**Финно-угор мирыт
культура Центр колныл кӧтым
лӧххал маңьщи лӧтңыл
Николай МЕРОВ хансытэ**

Сӧвсыр мирыт юртыңыщ вос ӧлӧгыт

Ты тӧл Ханты-Мансийск уст йильпи организация рӧпитанкве ӧвылтахтас, руш лӧтңыл «Совет по делам национально-культурных объединений и религиозных организаций» намаим ӧлы. Тагир Аюпов, Ханты-Мансийск мирколт депутатыг рӧпитан хум, кӧуцаиғ тув пӧриявес. Ань ты Советын сӧвсыр мирыт общественный организацияныл хансым ӧлӧгыт.

Маңьщи ос ханты яныгпӧла хӧтпат хосаттӧгыт ӧс Совет вӧрсыт, руш лӧтңыл: «Окружной Совет старейшин коренных малочисленных народов Севера» лӧваве. Ань тот М. К. Волдина, Д. В. Герасимова, Д. В. Лельхов, А. М. Константинов ос мирн ванэ мӧт хӧтпат рӧпитӧгыт.

Яныгпӧла хӧтпат янытлан хӧтал элы-пӧлт ты Советыг рӧпитан махум яныг сапрӧнин акван-атхатыгласыт ос сossaң махум тув вӧвиньтӧлсаныл. Тагир Аюпов тӧн нупыланыл лӧвыс: «Маңьщи, ханты махум пӧс поратӧгыт ӧлӧгыт ос тӧнки лӧтңаныл ос вӧрмалыныл элалы тотыяныл. Ань тыт сӧвсыр мирыт ӧлӧгыт, тӧнки халанылт юртыңыщ вос ӧлӧгыт, тьи магсыл

маңавн аквӧет рӧпитанкве эри. Маңьщи, ханты хӧтпат ты Советыг ӧс вос рӧпитӧгыт».

Д. В. Герасимова, Югорский университетт рӧпитан эква, лӧвыс: «Ань мӧт маңыл ӧхтум мирыт тӧва порат тыт ӧлнэ сossaң махум ат янытлы-яныл. Тамле вӧрмалы таи магсыл ӧлы, тӧн маң пӧс йис вӧрмалынув ат вӧганыл. Ань маңавн сӧвсыр ялпың хӧталыг аквӧет вӧрыглаңкве ос тыт ӧлнэ сӧвсыр мирыт тув вӧвыглаңкве эри».

Сапрӧнит тыт кит Советыг рӧпитан махум элалы аквӧет рӧпитанкве потыртахтасыт.

**Ханты-Мансийск ус мирколыл
кӧетум лӧххал маңьщи лӧтңыл
Людмила ТЕТКИНА хансытэ**

Маңьщиянув акван-атхатыгласыт



Мӧлал Карелия мӧт Петрозаводск уст финно-угор махум мирхал конференцияныл ӧлыс. 2016 тӧлт Финляндия мӧт Лахти уст финно-угор махум VII мирхал конгрессаныл ӧмты. Маң округвныл маңьщи, ханты ос ӧрн хӧтпанув тув ялуңкве ӧс щӧпитахтэгыт. Ты элы-пӧлт нӧглум газетат ам ты урыл хансыгласум.

Тувыл аквта торыгтот консультативный комитетт рӧпитан махум акван-атхатыгласыт. Маң округвныл Татьяна Гоголева, округ Дума депутат нӧ, тув ялыс. Ань ты накт тав уст ӧлнэ сossaң махманув мирколн вӧвиньтӧлсанэ.

Та сапрӧнит маныр

вӧрмалит урыл тӧн потыртасыт, ты урыл элалы ловиньтӧн. Т.С. Гоголева лӧвыс: «Финно-угор махманув сӧв тӧрвит вӧрмалы ӧнӧщӧгыт. Маң таимӧгыс акван-атхатыглӧв, тышир тӧрвитың вӧрмалынув мӧсхалыг щӧпитаңкве кӧпнитнув ӧлы. Финно-

угор мирыт халт шар тӧрвит вӧрмалы – ты щӧн лӧтңыт элалы тотнэ тӧла.

Мӧтыт Конгрессыг финно-угор махманув щӧн лӧтңыт элалы тотнэ вӧрмалы урыл потыртаңкве патӧгыт. Пӧвлың школатыг нъяврамыт щӧн лӧтңын хаништан тӧла, маң пӧвлытт пӧльницат лап ул вос пантавет ос мӧт вӧрмалит ӧмщакв щӧпитаңкве ӧрӧгыт. Сӧтыг мирхал конгрессыг махум яныг ты урыл потыртаңкве тах патӧгыт.

Ань таимӧгыс Консультативный комитетт рӧпитан махум 2015 тӧлт округув янытлы сӧв тӧла щӧпитаве. Щӧн лӧтың элалы тотнэ магыс финно-угор мирыт халт яныг конференцияг вӧравет. Акв тамле вӧрмалы щӧн лӧтңыл нӧпак хаснэ хӧтпат магыс щӧпитаве.

Тувыл финно-угор мирыт янытлан хӧтал кастыл Ханты-Мансийск уст яныг научный конференцияг вӧраве. Ты тӧла руш щирыл тох намаим ӧлы: «Инновационные технологии в сфере образования». Ты вӧрмалы нъяврамыт щӧн лӧтңыл хаништан хӧтпат сӧвсыр пӧвлытныл вӧвавет. Ты коньпал Удмуртия маңыл ос Коми республиканыл финно-угор махманув тыг ӧхталӧгыт. Тьи ос мӧт ӧрнэ тӧлат пӧссын мӧтыг тӧлт щӧпитавет тах.

**Николай
МЕРОВ**

Нётнэ макев



Василий Ромбандеев ос Лидия Прописнова



Таквсы порат ма-витув сака нётнэг олы. Лүимат акв таксв этпос сыс матэ савсырыг ёмтапалы. Бөр, ят, тōрум нупыл сунсуңкве сака пумыш. Молал ам Лида Прописнова (Хозяинова) руманэм пōслум хуриянэ кәсаланум. Лидия Саранпавылт олы, ос сәлы үрнэ рүтанэ палт Нёрн вәтихал ялантәлы. Тав сәлы үрнэ махум олупсаныл ос тән яласан макёныл хурин акваг пōслыанэ. Ань тав пōслум хуриянэ нән сунсыглән.

Тамара МЕРОВА

Хальүс нәңк шахыл урыл потыр

Раиса Петровна Загородняя – ханты нэ, тав Хальүст соссан мир культура центр колт лов тал рүпиты. Тән тот катыл савсыр пормасыт вәрэгыт. Тав лавыс, хунь овыл щёс үсн ёхтыс, Хальүс налми ватан нәңкыт яныгман шахылн пүрлахтуңкве ялыс. Та ма сымән татем хояс, та пәснылак вагтув яланты. Уст өлнэ соссан махманув пүрлахтуңкве тув ватихал ялантэгыт.

Молты ам Хальүсн ялмум порат Раиса Петровна анумен та ма урыл пёс потыр потыртәлыс. Ань нән тав потре элал ловиньтәлын.

– Хосат пёс махум та нәңк шахылн сәт тал сыс акв щёс пүрлахтуңкве ялантәлыс. Тән тот йир түштыгласыт. Халанылт потрамасыт, хоты мат ос хумус хул алышланкве ос вораңкве рөви. Махум тот танки олупса

вәрмаяныл урыл потыртасыт ос йильпи ляххалыт тотсыт. Та мат тән нәвраманыл хайтыгтасыт ос нас вәшинтахтыгласыт.

Ханты махум та ялпыңма «Аяс нәңкпай» лавияныл. Ты потыр мәнщи щирыл «Мәнһ Ас я Төрүм» толмашлаве. Хальүс ләпат Лүй Тагт я пөхыт мәнһ Ас я овты. Таимәгыс ты нәңк шахыл тох намаявес.

Пёс махум тох потыртәлыс: «Пёс йист таквсы порат я хосыт мәнщи ос ханты похатыр хөтпат минасыт. Тән татем нётнэ, урамын ма кәсаласыт, паг-пүхтысыт, аращ вәрсыт, эт хулсыт. Алпыл нөх-квәлсыт ос элал минмыгтаңкве атхатасыт. Ос миннәныл элы-пәлт, ты нётнэ ма магыс, Төрүм янытлан кастыл, танки йив суваныл тот түштым хуль-



туптасаныл. Ты йив сувыт туйаг нөх-тәлумтасыт ос нәңк йивыг ёмтсыт. Та пәсныл тән ань ты хөтал мус тот лүлөгыт. Ань ты йив-капаит карсыг, тагыг ёмтсыт.

Ты ма урыл ос акв пёс потыр олы. Тав ос тох потыртәлвес. Хосат, ма тәлум порат, Төрүм ащанув мауртсыт. Касың Төрүм такви матә вуянтас. Карс акитовлыялас, тав Мәнһ Ас я аки ёт

ты нәңкыт яныгман ма магыс хөнтлыс. Тув муста алышлахтасыг, нәңк йив тольхыт пуссын ёлалы хүтсыт. Аквтупмат намыл хутувьяптувёсыт.

Соль, та нәңк шахылн ляпаман порат хутум йив тольхыт ёмшакв кәсалаңкве рөви. Нән Хальүсн ёхтәгын ке, ты нётнэ мән пүмаш магыс ос ялән.

Николай МЕРОВ

Юван Шесталов рүпитам колэ музеиг вәрвес

Мәнһ таквс ётпос китыт хөталёт Ханты-Мансийск үст өлнэ соссан махум Югорский университетн вөвиньтәлвёсыт. Та хаништан колт Юван Шесталов намыл пиным музей рүпитаңкве овылтахтас.



Нэпак хансум мәнщи ойка 2011 тәлт атимыг ёмтыс. Олме порат тав Югорский университетыт рүпитас. Тот соссан махум пёс йис вәрмалит, ләтәныл хаништан ос нөх-вөрмалтан центрыт кұшаиг олыс.

Ты музейт ань тав нэпаканэ, хуриянэ ос пормасанэ акван-атвёсыт. Юван Шесталов намыл намаим кол «Төрүм Маа» намп музей нупыл ловиньтахты. Тот рүпитан хөтпат ты кол үргалаңкве тах патёгыт.

Музей вәруңкве Юван ойка ягәгитэ Альбина Николаевна Мехнина номылматас. Ты кол рүпитанётә магыс тав,

Светлана Динисламова, мот мәнщи ос хантыт сав ёр пинсыт. Югорский университетыт кұшаит ты музей вәруңкве шар ат кәсаштасыт. Уст өлнэ соссан махум, «Төрүм Маа» намп музейт рүпитан махум савсыр кұшаитн ты музей урыл пишма хансыгласыт. Тох кит тәл ювле хультыс, Юван Шесталов музей рүпитаңкве ань та овылтахтас.

Акван-атхатыг лам махум музей сунсыгласаныл ос Юван Шесталов номылматыгләлсаныл.

**Людмила
АЛГАДЬЕВА**

Эква рүпата тал ат үнлы

Октябрьский район Карымкары павылт «Совет ветеранов» нампa организацият кўшаиг Раиса Ивановна Агеева рүпиты. Тав та павылт самын патыс, тот яныгмас. Карымкары школат нила класс туп ханищтахтас, атыт клас-сын Подгорный павылн тотвес. Тонт та павылт сав мир ылыс, тот школа-интернат рүпитас, сат класс тот асталас.

Раиса Ивановна ты урыл таи номылматас: «Ман щемьяв тыг ссылкан кетвес. Та тарвитың порат ам омам акваг рүпитас, таве аты ващинтаслүв. Тонт тыг рушит, калмыкыт ос немцыт ссылкан кетвёсит. Омам 17-18 тал яныт руш ос калмык агит халт пиркатырыг ылыс. Павылт хум хотпа атим, экватос агит танки тарвитың рүпата варсит.

Война порат рүпитан хотпа ат товылхатас. Школат туп кит нэ ныврамыт ханищтасыг. Аквадэ ывил ос нилыт классыт ныврам ханищтасанэ, мотанэ китыт ос хурмит классын ялантан ныврамыт эт рүпитас. Ам тай маньтагыл ханищтахтуңке сака касащасум, сат класс Подгорный павылт асталасум, Октябрьский павылт нелолов классыт ханищтахтасум. Туи порат юв ехтэгум, омам колхозт рүпитаңке нётыслум. Тонт тыт рыбучасток ылыс, наиңхапыт тыг акваг пұхталасыт. Хуланув Тобольск үс нупыл тотвёсит.

Та хотал ман я ватат рүпитасүв, наиңхап пұхтыс, тот Октябрьский павылт ам етум ханищтахтам агиянум касаласанум. Тан аанум элаль Тобольск

үсн ханищтахтуңке вовсаныл. Ам юв хайтталасум, чемоданум алмаяслум, агиянум эт элаль ханищтахтуңке та минасум.

Тобольск үст ам культпросвет училищат библиотекариг ханищтахтасум. Тюменский область Казанский район Огнёва павылт нэпак ловиньтан колт хурум тал рүпитасум. Ущлахтан порат омам палт муйлуңке юв ехтысум. Тонт павылт клубт үнттувес, ам тот рүпитаңке хультсум. Та пасныл пенсия мус 44 тал Карымкары павылт та рүпитасум».

Раиса Ивановна клубт, тувыл библиотекат рүпитас. Ты юипалт тав сав тал павыл мирколт депутатыг ылыс. Эква лавыс: «Ман тасавит тал коммунизм магсыл рүпитасүв, тувыл 1991 талт лаввесүв, ань мот щирыл ылуңке ос рүпитаңке патэв. Ань хумус емтыс, махманув рүпитаңке аткасащегыт, ныврамыт ханищтахтуңке ос ат таңхегыт. Ман яныгмамув порат пуссын рүпитасүв, нэмхотыют рүпата тал ат үнлыс.

Ам 1993 талт пенсиян патхатасум. 1995 талт Михаил Трифонович Букаринов павылт «Совет Ветеранов» нампa организация варыс.



Ам нас тох юн үнлуңке ат ханыщувласум, тав этэ рүпитаңке патсум. Ойка кўшаиг периявес, ам ос тав ваңын хотпаг олсум. 1999 талт тав атимыг емтыс, тав варум тэлатэ ам элаль тотуңке патыслум. Ты рүпата 15 тал сыс варилум. Ам етум хот хотпа рүпиты. Карымкары павылт олнэ яныгпала хотпат ман акваг уральтыянув. Танккёныл олнэ яныг хотпат палт ялантэв, ылюв ат ке оныщегыт, миркол кўшаин лавёв, ылювыл вос евтыяныл. Хум хотпат ос нэ хотпат янытлан хоталыт кастыл ос ялпың хоталыт варыглэв, клубт акванатхатэв, щай аёв, потрамёв. Пенсият олнэ махум самын патум хоталыла янытлаңке юв ялантэв. Победа хотал кастыл ос аквьёт муйлэв. Школат ныврамыт эт хонтхатыглэв. Кит тал сыс павлың мир магсыл «Заженная свеча» нампa тэла варыгласүв. Павылт тўщтым памятник палт ныврамыт эт ялантэв, тот хонт по-

рат пёрслым хотпат кастыянүв. Хул алыщлан хотпат янытлан хоталыл, павыл янытлан хотал, мот ялпың хоталыт кастыл ос сав рүпата варёв».

«Совет ветеранов» нампa организациятaк-ви ансамбль оныщи. Ювлехультум талт «Родные напевы» нампa ансамбляныл 15 талэ товылыс. Тан савсыр ялпың хоталын эргуңке акваг вовиньталавет. Мотыт тал маньполь этпос Октябрьский районт «Совет Ветеранов» рүпитанэтэ 40 талэ, яңк нятнэ этпос Победа хоталув 70 талэ тах товлэг. Ты ялпың хоталыг янытлаңке тан ань щёпитахтэгыт. Яныг эквалавнэтэ щирыл, тав ты рүпата таи магсыл варитэ, яныгпала хотпат ул вос ёрувлавет ос янытлавет. Ань Карымкары павылт 323 пенсионер хотпа ылы. Тан халанылт 4 элумхолас «Труженик тыла» нам оныщегыт. Ты махумн нётыс эква ты рүпиты.

Людмила ТЕТКИНА

Яныгхотпат янытлан хотал

Яныгхотпанув тал элаль олнэ хотал
 атим олнув. Олнэ вәрмалъ вәщинтам,
 номтың, мұтраң хотпанув тармыл кәсың кол
 ұрхаты. Яныгхотпат янытлан хоталанылт
 кәсың хотпан пұстағыл олнэ хотал лавуңкв
 таххаты. Щуниң пасаныл вос ұнлахолёгыт,
 хоса нот вос олёгыт. Нявраманылн, апганылн,
 рұт махманылн ос рұманылн вәтихал вос
 уральтанувет.

Мощ мōлалнув,
 яныгхотпат янытлан
 хотал вәтимам лятат,
 ам Хулюмсунт павылт
 олнэ экваг-ōйкаг
 палт шалтсасум, ты
 Константин Георгиевич
 ос Зоя Емельяновна
 Адиныг палт. Тән сас
 пенсият олёг, павлың
 махумн акваг вавёг.

К о н с т а н т и н
 Георгиевич Сосьвинское
 ЛПУМГ организацият
 сав тал рупитас,
 компрессорный ұнттыс,
 яныг техникал рупитас.
 Ёмшакв рупитаме
 мағыс мēталь оныщи
 – «За освоение недр и
 развитие нефтегазового
 комплекса Западной
 Сибири», 1985 талт
 Москваныл кетыглавес.

Маньщи олупса
 ванэтэ мағыс кәсың тув
 няврамыт ёт рупитаңкв
 «Мань ўсквен» яланты,
 «Почётный гражданин
 Берёзовского района»
 нам оныщи, «За
 развитие культуры

малочисленных
 народов Севера» намба
 мēталил 2010 талт округ
 палыл муйлуптавес.

К о н с т а н т и н
 Георгиевич ос Зоя
 Емельяновна атпан
 нупыл нелолов тал
 аквёет олёг, кит няврам
 янмалтасыг, ат апыг,
 акв апыг-пыг оныщег.
 Вōртур э́тпост соссаң мир
 янытлан хоталт ос акв
 мēталил муйлуптавесыг
 – «День семьи, любви и
 верности в Российской
 Федерации».

Потрув элаль мины:
 – **Константин Георгие-
 вич, наңки урынтыл мощ
 потыртэн, хот самын
 патсын, яныгмасын?**

– 1946 тал июль э́тпос
 25 числат тыт Хулюм-
 сунт павылт самын
 патсум. Омам Федо-
 сья Степановна Ади-
 на олыс. Савсыр тәрвит
 вәщинтәлас. Репрес-
 сия вәс, война. Война
 талыт сыс агит-э́кват
 пиркатирыг олыс. Ты-



гыл Сортыңъя тапалн
 Олттумпын толгуңкв
 ялантасыт. Плана-
 ныл төвлынэг тот та
 лōнхитахтасыт. Ювле
 пёщ-ōвыл квәлгыл
 хартсыт. Хунь Ягримн
 тыламлэгын, акван-
 олтхатым хұрум тумп
 төва поратнаңкёгыт. Тот
 та хұл алышласыт.

– **Хот ханищтахтасын?**
 – Няхщамвōльт ха-
 нищтахтасум, тыт нила
 классмуханищтавёсыт.
 Ам акв тал туп тыт ха-
 нищтахтасум. Школа
 юи-палт Ханты-Ман-
 сийскат механизация
 училищат кит тал ха-
 нищтахтасум. Направ-
 ление щирыл Карымка-
 ры павылн леспромхозн
 кетыглавёсум. Тот хоса
 ат олсум, ювле ёхтысум.

– **Манарыг рупитасын?**
 – Ягримн сумыллас.
 Колыт ұнттуңкв сав вōр
 йив э́рыс. Тыт хулюм
 кивырт нор яктысұв.
 Акван-ятым кол лак-
 вап хольт вәрим, пор
 квәрекыг олтым щир-
 ыл, Ягримн кәтерыл
 хартвёсыт. Ләкква ул
 вослōсылэгыт, сәманыл
 кертāныл акван-

пёрыгтавёсыт. Тыщир
 ты вōр йив лōнхитасұв.
 Сальки хōвтыт, ұлыпат
 – осыңыт, хосат. Мән
 норанув э́сгувёсыт. Ис-
 нас сōплаг, ави сōплаг
 вәрвёсыт.

Тувыл Хальўсн
 вантласұв, тыт
 ханищтахтамум щирыл
 рупата атим олыс. Хальўст
 тракторыл рупитасум.
 Хунь тыт компрессорный
 ұнттуңкв патвес, ювле
 йисум. Тыт рупитанэм
 сыс яныг тәрвитаң
 бульдозерыл рупитаңкв
 Омск ўсн ханищтахтуңкв
 к е т ы г л а в е с у м .
 Т р у б о у к л а д ч и к ы г
 х а н и щ т а х т у ң к в
 Магнитогорск ўсн ялсум.
 Чебоксарский Белый Ярн
 ялсум. Бульдозеристыг,
 с в а и б о й щ и к ы г ,
 трубоукладчикыг олсум,
 яныг техникал рупитасум.
 Константин Георгиевич
 ань пенсият кос олы,
 нас олұкв ат кәсаши.
 Акваг матыр-ати вәри,
 хәп вәри, вōраи, хұл
 алышлы, савсыр рупата
 кон төвылхаты.

Потрув иңыт оигпи,
 Зоя Емельяновна э́лаль
 потырты:



2002 тал порат пōслым хури

Л. Теткина вәрум хури

– **Зоя Емельяновна, хӧтсамын патсын, яныг-масын?**

– 20 сентябрь 1941 тӧлтсамын патсум, ӧтӧм намӧ Емельян Игнатович Новьюхов войнан вуйлавес, ранитавес, юв ӧхтыс. Омам Наталья Петровна Новьюхова, нӧлоловхуйплов тӧл яныт порат хум вӧрыс, ӧтӧм ловманкем тӧл тавӧнӧм яныг ӧлыс. Вӧтахкем тӧл яныт порат войнан ми́нас. Хоты тӧл порат самы́н патыс, нӧпакат ӧнӧщас. Вӧраян хумыг ӧлыс.

Ягпыгум хӧрум тӧл ӧнумныл яныг ӧлыс, тав 1938 тӧлт самы́н патыс, намӧ Ефрем Емельянович Новьюхов. Ӑшум Мария Емельяновна Новьюхова, 1944 тӧлт самы́н патыс. 1953 тӧлт ӧшув ӧтими́г ӧмтыс, Сталин ӧйкахолам тӧлт. Мӧн мӧнккев хультсӧв, тӧрвитаң ӧлыс. Ягпыгум иң мӧн тӧгыл вӧраяңкв, хӧл алышлӧкв патыс. Ӑшум ӧлум порат Васлӧры пӧвылт ӧлсӧв, ӧтыл уш Тӧк пӧвылн вӧнтласӧв. Ӑн мӧн колув ӧлум мӧ ӧл-нильвес, нӧматыр ат хультыс.

Ӑшум колтӧгылт лов хум ӧлсыт, акв ӧш туп ӧнӧщасыт. Халанылтӧм-шакв ӧлсыт, таяныт мисколыт ӧшсыт. Репресия порат ӧпав аман хотыл мостыстӧ, вӧрт пӧвыл вӧрум, мисколыт ӧнттум, пум вӧрум. Матахмат мис, мӧн

мисыт, сурты мисыт тув ӧймалтаманӧ, так-ви ӧс тув вӧнтлам, хот-тӧйтхатам. Ӑйхулыт няртгалым порат тав тох ты ӧшмар вӧрум. Юн ӧлум ӧйхуланӧ тай та вӧймет. Та порат май арыг ӧйхулыт акваг хот-няртгалавӧсыт. Ӑтыл мощсытамыг нувӧмтыс, акв юв-пӧсаса манӧ.

Васлӧры пӧвланылт ӧмшакв ӧлсыт, шӧлыңыг ӧлсыт. Сӧв вӧраясыт, хӧл алышласыт. Ты н а л а х т ы м - вӧталахтым Сӧпса ӧс пӧсныл сӧлттасыт. Хотаң пун тыналасыт, пун маныгтан порат – хоса пуныт янасманыг тавет, някв пуныт янас атавет. Матах хум атхатӧгыт, пушнинал, хӧлыл, пун хӧргытыл тӧлтхатӧгыт, та минӧгыт. Ты Сортыңъя лӧнх хосыт Хулюмсунт тӧра ты яласасыт, рушитн ты лӧнх царский лӧнхыг лӧввес.

– **Манарыл яласасыт?**

– Лувыл яласасыт, лувың суныл. Сунаныл щар тӧглӧкв тӧлттыяныл. Тот матыр тӧнutyг, пормасыг пӧнтыяныл. Ювле ӧс тӧгыл суныл та ӧхтӧгыт. Война ӧлы-пӧлттох яласасыт. Ӑмшакв ӧлсӧв. Мӧн колувт тамле яныг тӧтап (сунтук) ӧлыс, ам номилум, кивре лӧмтың сӧккар ӧнӧщас. Ягпыгум тамле сӧккар тӧнkv сака кӧсащас. Яныг нӧтнӧ тӧрыт ӧшув тотыглалас. Та порат матыр ӧмаснув ӧла-вӧрсаныл.

Амӧшумняныг нӧтнӧ тӧрыл майлавӧсум, Ханты-Мансийскан х а н и щ т а х т у ң к в ми́насум, тӧрум ӧт-тотыгласум. Ӑгит кӧсаласаныл, лӧвӧгыт, лӧкква-яктылав. Та порат мотнӧ ӧлыс, тӧрыл ӧлуңкв. Щӧнумн сӧрниң туля – яныг ӧхвтас пуңкпаттаң туля тотыглас. Омам лӧви, яныгмӧгың, наңын тах ты туля мыглум. Пӧс, май, мӧхум тӧнки туля вӧрсыт. Сӧв туля акван-нӧгим сӧс тӧтап кивырт ӧлсыт, та туля ӧс та ӧт-ӧлыс. Тӧкн вӧнтламуvt, аман хоталь тахасыт, аман хот-тӧлмантавӧсыт.

Ам мӧн порамтакв ӧтӧм ӧт хӧл алышлым яласасум. Тӧяг сорх хӧл ӧмшакв пӧхтас. Толгысыт, толыг кӧвалыг лувыл хартсыт.

– **Хӧт хаништахтасын?**

– Ам Ханты-Мансийскат фельдшер- акушерыг нила тӧл хаништахтасум. 1959 тӧлт ми́насум. Та порат ӧмас ӧлыс, мӧн мӧхум хаништахтын мӧныл ӧстӧгыт, направление щирыл рӧпитанкв кӧтавет. Ам Хӧльӧсн кӧтвӧсум, тот поликлиникат мощ рӧпитасум. Аквнакт яныг лӧккарув лӧви, Хулюмсунтыт лӧккар ӧри. Сӧв мӧн мӧхум, лӧви, тыт ӧлы, ратио лӧт ӧлы. Ӑхтысум, нӧмат ӧти.

– **Хӧт ӧлсын?**

– Ӑвлӧт медпунктыт ӧлсум. Матахмат ӧт хӧлсум, амки сака пилаши осум, тупӧер акваг хотыют та ӧми. Ӑти осма хӧргың тӧгыл тӧтя Катя палт ми́насум, тув ӧлмаясум. Мӧн акваг рӧпитасмӧн, тав санитарка ӧлыс.

– **Ӑйканыл хумыс румалахтасын, акван-хӧнтхатасын?**

– Тав ӧс Ханты-Мансийскат трактористыг хаништахтас. Ӑвлӧт,

лӧви, нас ӧлыл сунсыс, пи́шма хансуңкв кӧсыс. Тувыл каникулыт ӧмтсыт, тав ӧхтыс, танцыт румалахтасмӧн. Тох лӧшчал-лӧшчал акваг ӧлуңкв патсумӧн. Тӧрвитаң рӧпитанкв ӧлыс, рация ӧтим.

Ӑшхатнӧ ӧкватн нӧвраманыл самы́н-паттуңкв нӧтсум, тӧтя Катя посхатас, тӧнут пӧйтыс, пос ӧти ат тӧг, шприцанмен кӧр-алат пӧйтсанмӧн. Тӧва порат лувың суныл тотыглавӧсум, Мӧнkvя пӧвылн, Хӧнkvсам пӧвылн.

Тыт мощ ӧлсумӧн, 1969 тӧлт тӧяг Хӧльӧсн ми́насмӧн. 1971 тӧл пӧсныл 1982 мус садик лӧккарыг-воспитателиг ӧлсум. Ӑмшакв рӧпитанӧммӧгыс ӧскант Доска почӧта пӧртыт хурим ханас.

Ӑйкам тракторыл яласас, Восыңтӧр совхоз тӧпканыт рӧпитас, пум сӧгрысыт.

Тувыл тыт компрессорный ӧнттуңкв патвес, тав лӧви, амки мӧмн рӧпитанкв минӧгум, тӧл рӧпитас, ювле Хӧльӧсн ӧхтыс. Акватамӧтт мощ рӧпитас ӧс Хулюмсунтын ми́нас. Пыгмӧн школа ӧстлас, армин вуйвес. Ам ос тыг Хулюмсунтын вӧнтласум. Ӑгимӧн Маша ӧшум палт хӧлислум, иң школан ялантас. Ты мӧгысань мус мӧн нуплумӧн кантлы, таккӧтӧ хӧлислумӧн.

Тыт газовый котельныйн операторыг вуй-вӧсум, пенсиян патнӧм мус тот рӧпитасум, ӧн пенсия выгум.

Тамле ты хоса потыр мӧн потыртасӧв.

Ты сӧтың хӧтпаг матыр-ӧти пуссын ӧнӧщӧг. Тӧнки ӧнттум яныг нӧтнӧ колӧнт ӧлӧг. Нӧвраман ӧн акваг нӧтавӧг. Сӧв тӧл пу́стагыл ӧлӧн. Пус кӧт, пус лӧгыл!

Анна АЛГАДЬЕВА



Пыть-Ях үст өлнэ музей йильпи колыл үнттувес

Ты этпос 9 хөталэныл Пыть-Ях үскант йильпи кол рүпитанкве ывылтахтас. Яныг кирпащ колт аквпальерет нэпак ловиньтан кол ос мөтпальерет музей рүпитанкве патэг. Ты кастыл ялпың хөтал ылыс, сав мир тув акван-атхатыглас.

Зоя Лазаревна Жавко, такви аги ыпарищ наме Каюкова, музейт кұшаиг рүпитаннэ, лавыс: «Мән музей колув 2001 талныл рүпиты, Пыть-Ях үс ля-пат вөр халт ханты павыл үнттувес. Тыг ёхталан мирн мән суссылтэв ос потыртэв, хумус мәнщит, хантыт пёс порат ылыс. Ты пора мус акв тәрвитың вәрмалы ылыс, савсыр йильпи выставкат суссылтанкве колнакыт ат ысүв. Мән 16 элумхөлас пуссын акв колт рүпитасүв. Ань йильпи колт колнакыл мивёв, тот мән савсыр выставкат щёпитанкве патэв. Ос таи ёмас, ты кол үскан пөхат үнттувес, ам номсэгум, тув тах савнув мир ёхталанкве паты.

Галина Петровна Марченко, «Югра лылыёп» общественный организацият рүпитан нэ, тав ты музей вәруңкве номылматас. Та порат үс мирколт кұшаиг Валерий Михайлович Веснин рүпитас. Галина Петровна тав палтэ ялыс,

такви номтэ урыл потыртас. Тотювлелаввес, номтанэ пуссын нэпакн вос хансыянэ, миркол кұшаит олн хөнтэгыт ос соссаң махум культураныл элалы тотнэ магсыл музей тах үнттэгыт. Ты юи-палт «Балыклес» нампа организация норыт, партыт ос сав мөтэрнэ утыт тотсыт. Овлэт тән пёс йис вәрмалит вәнэ соссаң махум кисыт, тән музей магсыл сөмъяхыт, ханты колыт пёс щирыл вос үнттыяныл. Пыть-Ях үст ты вәрмалы вәнэ мәнщит ос ханты хөтпат ат хөнтсыт. Ты рүпата нас пөх хөтпатн вәрвес.

Музеюв ёмашакв рүпитанэтэ магсыл Ольга Николаевна Кузнецова ос сав ёр пиныс. Та порат тав соссаң махум культураныл нөх-вөрмалтан центрыт кұшаиг ылыс. Ты руш нэ Угут павылт самын патыс, тот яныгмас. Щәняге-ащәге тув ссылкан кётвесыг. Ханты махум халт ылыматэ



И.В.Вак барум хури

сыс, Ольга Николаевна мән латнув ос тәрвитың вәрмалынув ёмашакв ханщитасанэ. Ты центрыт рүпитым, мәнщитн, хантытн сака нётыс. Ты магсыл соссаң махманувн тав сака янытлаве.


2007 тал мус музейт туп 300 савсыр пёс пормас акван-атым ылыс. Төнт мән яныг рүпата вәрсүв, вөрт манос мән павлытт өлнэ ханты щёмьят палт вәтихал ялантасүв. Тән ты пёс пормасыт музей магсыл мисыт.

Ам амки Угут павылныл өлэгум, үщлахтын порат вөрт өлнэ рүтанум палт ялантэгум. Савсыр пёс пормасыт атэгум. Ты

пормасыт ёвтуңкве кос эрэгыт, тувыл ты рүпата магсыл олныл шар ат тастыглавёв. Наталья Кононовна Поянкина, музейт рүпитаннэ, Лемпино нампатаквияныгмам павлән ос яланты, тот рүпиты. Наталья Кононовна рүтанэ ос пуссын пёс махманув щирыл өлэгыт.

Сат тал сыс мән 3 сөтыра арыгкем савсыр пёс пормасыт, маснутыт, хурит акван-атсанүв. Тыт рүпитан аги музейт ыснэ пормасыт пуссын нэпакын хассанэ.

Мән щёпитам суссылтапанув үстрүпитан организациятн тотыглыянув. Овлэт ты организацият ёт потыртахтэв, тән мәннав





колнак вос мыгыт, тувыл щёпитам выставкав тув тотылүв. Мāхум ёхталэгыт ос суссылтапув сунсыглэгыт.

Мāн ань ос олн сэлункве лāвавёв, музейн ёхталан мāхумн билет тыналэв, тынэ нйврам мāгсыл 20 солкёви, мот мāхум мāгсыл 40 солкёви. Акв тал сыс 6-7 сōтыра элумхōлас тыг ёхталы. Ты коньпал мот ўсытт, пāвлытт олнэ организацият ёт рўпитэв. 2013 талт Нефтеюганск ўст туризм ширил рўпитан фирма ёт соглашение-нэпакхассүв. Тāн Нефтеюганск ўсныл нйврамыт музейовн тотыгласаныл. Салым ос Пойковский пāвлыгныл āгиришит-пыгришит музей сунсуңкве ёхталасыт. Тох нйврамыт туи порат тыг тотыглавет.

Наталья Кононовна мāщтырлаңкве сака ёмашакв хāсы, сāвсыр сувенирыт, мāньщи ос ханты мāхум пормасыт йонты. Ўст олнэ ялпың хōталыт кастыл сāвсыр суссылтапыт вāрыглэв, мāнки йонтум пормасанув тот тыналыанүв. Ханты-Мансийск ўсн вōвиньтāлавёв. Кāсың талтот «Югра-Тур» нампавыставканялнтālэв. Тот олнэ музейт ёт рўпитэв. «Торум Маа» музей сāвсыр конференцият, ханищтапыт, суссылтапыт щёпитāлыглы, мāн акваг вōвыглавёв. Тувыл тув ялантāңкве

олн ат оньщёв».

Ты коньпал Зоя Лазаревна «Эколого-этнографическая тропа» нампa проект урыл потыртас. Тāн «Культура» программа хосытолныл тастувёсыт. Ты олныл тāн музейт ос акв суссылтап щёпитэгыт, пёс порат соссаң мāхум хумус вōраясыт, ёхталан мирн тāн суссылтāңкве ос та урыл потыртāңкве патэгыт.

Зоя Лазаревна сāt арыгкем тал тот кўшаиг олы. Тав сака кāркам нэ, ты тāлыт сыс музей мāгсыл сāв рўпата вāрыс. Ань ўст олнэ кāсың элумхōлас музей урыл вāг. Мāхум тув вос ёхталэгыт ос тот вāрыглам суссылтапыл вос пўмшалахтэгыт, ты нэкве мāхманэ ёт кāсың тал Ўринэква хōтал ос мот ялпың хōталыт вāрыглы. Ўст олнэ мир пуссын мўйлуңкве вōвиньтāлыяныл.

Кўщай нэ лāвыс: «Пыть-Ях ўст сāвсыр мир олы, сāв хōтпа мот мāныл тыг олункве ёхты. Мот мāныл ёхтум мāхум китыглавет, округув манрыг тамле нам оньщи, тāн аты вāганыл. Тыи мāгсыл соссаң мāхум ялпың хōталыт тыг вāрыглэв, потыртэв. Мот мир ты мāньщит ос ханты олупсаныл урыл сāвнув вос вāгытостāнаныл вос янытлыяныл».

Людмила
ТЕТКИНА

Пўмыщ суссылтап вāрвес



Хури пōслан ойка Г.С. Райшев мастерской-колэт йильпи суссылтап вāрвес ос ювле хульгум этпост тав рўпитāңкве овылтахтас. Тот Геннадий Степанович атпан тал сыс, ты 1960 тāлныл 2010 тāлыт мус, пōслум хуриянэ акван-атвёсыт.

Ойка ты пōслум хуриянэ сāвсыр ширил вāрманэ. Рушщирылтāн янаснам оньщёгыт, тыи линогравюра, офорт, монотипия. Ты хурит тāнки ширил пōслым олэгыт. Тох Геннадий Райшев «Сибирские мотивы» намаим хуриянэ линогравюра ширил щёпитасанэ. Ты выставкатэ 1998 талт мāхумн суссылтāлвес, ань тувыл вим тōва хурит мўй хōтпат ос тот кāсалаңкв вёрмияныл.

Райшев ойка юи-о́вил тāлытыт пōслум рўпатанэ «живопись искусства» лāвавет. Ань ты суссылтапн «Калевала» ос «Героический эпос манси. Песни святых покровителей» хансым пёс йис потрыт ширил пōслым хурит щёпитавёсыт. Финныт ос карелыт пёс йис потраныл ширил хурит ос ольпыл сарт-

санэ. Ос пёс мāньщи потрыт ширил тав хурит сāмыл хаснэ ййвил пōслысанэ. Ойка Карпинск ўст олмёт сыресыр хурит ос пōслум. Ань тувыл тотым сātхуйплов хури тыт суссылтаве.

Ты коньпал молты тал о́вилтам «Космос ос человек» хуриянэ ты выставкат олэгыт. Такви Геннадий Степанович лāвыс: «Ам ань яныгпāлаг ёмтсум, сāв мирыт нупыл, олупсав нупыл Нāй-Отыранув хольт нумыл сунсэгул. Мāкёв матыр-āti пуссын хўлы, хōт-āti сунсы, номтанув вāвет. Ань таимāгыс тамле хурит пōслуңкве номылматсум».

Ты суссылтап сунсуңкве сāв мир вос ёхталы, тав сака пўмщиг вāрим олы.

Тамара
МЕРОВА

Нявбрамыт туи ёмщакв ўшлахтасыт

Наталья Ткачук, Ханты-Мансийск ўст
Ас-угорский институтт рўпитан нэ,
тав соссаң маҳманув ань олнэ олупсав ха-
нищтытэ ос нэпакн хансытэ. Мән газе-
тав вәрнэ колувн төвнакт щалтапалы ос
мāньщи пāвылт олнэ хōтпанув овылтыт по-
трыт ос тāн хурияныл тоты. Ты туи Наталья
Няҳщамвōлын ялыс ос нявбрамыт ўшлахтан
тēланыл урыл матыр-āti тāра-паттыс. Ань
ты овылтыт мән ты потрыт щēпитасанўв.



**ИНЕССА
КАРКАМ
АГИРИЩКВЕ
УРЫЛ**

– Паща олэн, ам намум
Инесса Номина, ты тал
ам овылщес школан ми-
наsum. Ануmн мāньщи
лāтың ханищтаңквесака
мўсты. Мән Наталья Кон-
стантиновна Самбинда-
лован ханищтавев. Ань
тамле мāньщи лātңыт
вāганум: ома, пил, мис,
лув, кўтов ос мōтсāвсыр
лātңыт ханищтыяnum
тах.

Ам кит мāнь ййгрищ
ōныщегум, тьи Эвели-
на, тав нила тālэ төвлыс
ос Мирослава уштынуv
самын патыс. Ам шар
яныг, таимāгыс омамн
акваг нētэгум. Мāнь
ййгрищагум ёмщакв
ўриягум. Ам сāвсырсти-
хыт вāгум. Ануmн Аг-
ния Барто ханsum «Я
выросла» стихе сака
мўсты, ам таве акваг
ловиньтылум. Школат
ам ёмщакв, номтыңыг
ханищтахтуңкве тах
патэгум.

ТУИ ЎШЛАХТЫН ПОРА

Няҳщамвōлы пāвылт
сака нētнэ мāt унлы.
Маҳум ят хўл алыщлэгыт,
ўшлахтэгыт, вōртсāвсыр
пил ос лāхыс атэгыт, тот
лылыёпе сыстам. Све-
та ос Виталий Побоки-
ныг Няҳщамвōлыт са-
мын патсыг, тот олэг.
Света ань атыт клас-
сыт ханищтахты, Ви-
талик китыт клас-
сыт. Тēн туи ўшлахтын
поратēн овылтыт тох
потыртасыг:

– Мēн туи щāнягмēн-
āщагмēнēt Усть-Маньян
акваг ялантымēн. Тот
сāв ўсморах яныгми,
пил вātэв. Тув порат
мотор хāпыл хōт щēs
тув минуңкве эри, тēлы
туп акв щēs туv минэв.
Атямēн лāвыс, Мēsыг яв
тыгле-туvле шакарāлы,
таимāгыс мāн хоса
минэв. Ос тēлы ятэ туv-
пōляве, таимāгыс лēңхе
сохтыл вāраве. Усть-
Маньян миннэв мус



мāн кит мāнь мāньщи
пāвлыг ос вōр колыт
тāраминэв. Мāн төвнакт
хотты мāt щāй аюңкве
пāг-пўхтыглэв. Мāньщи
пāвлыг тьи: Холпāвыл
ос Яныгпāвыл. Туvыл ля-
пат овнэ ят наманыл ос
вāганмēн: Няйс, Лэпла,
Тапсуй, Тāгт я.

Школат сочинение
хансуңкве лāвавев ке,
ам Усть-Манья урыл
хансэгум. Тав нētнэкарс
уранэ нупыл сунсуңкве
анумн сака мўсты. Акв
уре мāхумн вōртōлн
экваг намтвес. Пāвылт
олнэ хум Толя Ивукин
мисыт, лувыт оныщи.
Мāн тот олмуvт ўйхулыт
нупыл суссуv, алпыл
тāн танки я вāтан вит
аюңкве минэгыт ос
хōтал палыт пум яныг-
ман мāt ёмыгтэгыт.
Нētнэ сāмыл лувыт мош
вотгащлаңкве тахха-
ты кос, туп тāн ляпан
нэмхотыют ат тāртэгыт.

Та сыс Виталик мова-
лас ос элаль потыртас:

– Мāн колувн ёхтынэв
порат пāвылт такем
суиңыг ёмты. Кол пōхан
āмпыт, лувыт, мисыт
пуссын атхатэгыт. Пўсас
тāра аңкваталэгыт, ак-
втупматкитыглахтэгыт:
«Хотыют ёхтыс?»
Сунсуңкве эри».

Ты агиришиг-
пыгришиг туи ўшлахтан
поратēн пўмшиг,
касыңыг минас. Ань
тēн лāвэг, мўй маҳум
тāн палтаныл ёхталэгыт
ке, тāн пуссын щāгтым
олэгыт. Туи Ханты-Ман-
сийсканыл Олеся Тка-
чук увшитēн мўйлуңкве
ёхталас. Тавēн Усть-
Маньят ос сака мўсты,
мōтыт тāl ос ёхталаңкве
таңхи.

**Ты потрыг
мāньщи лātңыг
Тамара МЕРОВА
толмашласаге**

Тан мащтырлаңкв ханищтавёсыт

Октябрьский район Шеркалы павылы ёхталам муй махум мащтыр хотпа съезданыл номуңкве тах иң хоса патыяныл. Вайм, тан сав тал акван ат атыглавёсыт, маньлат соссаң хотпат сав вормалит урыл нэматыр ат хулыгласыт.

Товат маснут юнтсыт, сакныл матыр хартсыт ос йивныл, совныл савсыр пормасыт варсыт. Тан атыпыл номсысыт, това маснутаныл, пормасаныл, насати, люльсаң ворманыл. Ханты ос маньщи махум сартын тан щиранылт хорамтым маснут, хот-ати ат эрнэ хансал супаныл мори ат юнтыгласаныл ос мот мирныл вуим хащтал нак ат ощсыт. Махманув пёс щирыл олсыт ос йис наканыл элаль тотсаныл.

Ты вормалит урыл Татьяна Александровна Молданова потыртас: «Ман мащтыр махманув ёт хосат тагыл акван ат атхатыгласув. Ос Л.А. Алферова манавн тахольт нётыс, кущаит палылолнхонтис ос ман тыт акван-хонтхатасув.

Тыг савсыр мащтыр хотпатёхтысытостанки варум пормасаныл ёт тотсаныл. Пормасаныл пуссын пумщит, хорамыңыт. Ман пёс щирылварим пормасыт тараянас атсанув, ильпи щирыл варим утыт поханнув пинсанув. Ос ты овылтыт мащтыр хотпанув ёт ёмщакв потыртасув.

Ты махумн таралавсув, ман туп пёс йис ханищтан магсыл ос тананыл элаль тотнэ щирыл рупитаңкве таңхёв. Мот мирыт ошнэ вормалит тан акван ул вос тэлыгтыяныл. Ман суссылтап суссув, ос руш щирыл ке лавуңкве «сценический» супыт,



Ю.Н. Кушни

«сувенирный продукция» похан-атсанув. Това хотпанув кантлуңкве овылтахтыгласыт, манрыг тан хансал юнтым хорамың супаныл манос ёмщакв сагим маснутаныл похан пинвёсыт. Тав ты кос нётнэ, туп ман пёс махманув тамле сака хансаң маснутыл ат олсыт.

К а с у м п а в ы л т яныгпала махманув маньлат хотпат мак тэлан ханищтыяныл. Ты рупата варнэ магыс савсыр потрыт, кинат щёпитавет ос тувыл ханищтапыт порат суссылтавет.

Маньщи махум халт М.С. Мерова мащтырыг супыт юнтнэ ос пёс накыт ванэ хотпаг олы. Ман пуссын тавёныл ханищтахтэв, матырати вормалит пумшалэв. Ань ильпи щирыл пормасыт вос юнтыяныл, туп тан мак маньщи ман ханты пормасыг ул вос лавияныл, наскассыг мот махум ул вос лапалыяныл.

Светлана Кирилловна Гындышева лавыс:



З.Н. Лозямова ос К.К. Шадрина

«Ты съездыт ханищтапанув ос ёмщакв минасыт. З.Н. Лозямова ханты супыт юнтнэ тэлат урыл потыртас, Яков Тарлин хум хотпа энтапыт варнэ тэлат ос йивыл щёпитан пормасыт урыл потыртас. Татьяна Уколова ос Галина Волдина махум сасыл рупитаңкве ханищтасанэн. Тонт маньлат махум тараттысаныл, хумус пёс махманув пормасаныл вэрыгласаныл, юнтыгласаныл, манрыг ханса тув мори послуңкв ат рови. Тувыл хоты хорамлан торыт мот торн юнтуңкве ат эрэгыт, таил хултвёсыт.

Юи-овыл хультум талытыт, вайм, этнотуризм тэлат кастыл това махманув, вайм, савсыр пормасыт вэруңкве квалапасыт. Матыр вэрэгыт ос номсэгыт, тыт-ты маньщи манос ханты махум мак пормасаныл. Та щирыл вэруңкве воссыг ат эри. Ман ань маньлат хотпат пёс йис вормалит торгамтаңкве ханищтыянув, тыгыл элаль маныр вэруңкве патэгыт, тан танки вос номсахтэгыт. Ман ос тананылн нётуңкве патэв».

Шеркалы павлың

махум тув ос вёвиньтэлавёсыт. Руш ойка Юрий Николаевич Кушнин потыртас: «Ам ты павылт олнэ кол ёвтсум ос хурум тал тыт олэгум. Амки тыт коссамын патсум, ос ётыл мортым ман олункве минасум. Тот олымам маршумлавёсум, насати, хул алышлаңкве, вёраяңкве тахнэм. Ювле та вантлысум. Мот юртанум ос лакквмингаласыт. Ос товнакт мощчан муйлуңкве тыг ёхтыгпалэгыт, тананылн тыт мусты.

Ам ань ты суссылтап сунсылсум ос такём щэгтсум. Маньтагыл йивныл ёргуңкве ос сака тахсум, туп элаль ат ханищтахтасум. Тыт ань пумыщ потрыт хунтлысум. Тамле накыт ватихал вос вэрыглавет. Юртанум ань минасыт, тананыл ос тыгтотнуванум. Тамле нётнэ пормасыт, супыт ос вос касаланувыт. Соссаң махум культураныл овылтыт савнув ос вос вагыт. Ануын тыт сака пумыщ олыс».

Потыртама махманумн яныг пумащипа латың лавёгум.

Тамара МЕРОВА

Яныг үс колыл акваг та үнттаве

Манах щёс Ханты-Мансийскан Мёхталёгум, үсув акваг нётнэг та ёмты. Ам хаништахтамум порат студентыт олнэ үс овылт щар вөр олыс. Хаништахтын махум магыс ат наппа ат олнэ коланыл элыл та наңксыт. Ань тай тасавит та яныт кол-капаит та үнттымат, хот-тыпуңкв рёви.

Нэпак таратан хотал үс кант ёмыгтасум, йилып и үнттым колытыл ошатахтыгласум. Тох ялгалалым, үс кан котиль халь шахылы ёхтысум.

Хуньт олум нас халь шахыл тох та варапиме. Няврамытын ёнгасан та савит савсыр ёнгын ма: та сып, та тятятлахтын ма, савсыр хаталахтын

хаңхылтапыт, нас үнлахолнэ үнлын мат.

Ман хаништахтамувт халь шахыл тара нас лёхьяс олыс. Ань тай та паңхвит ахвас лёнх. Халь шахыл котильт мань тур-вох варим, тур-вох кивырн керас ломт, та керас мувалты матолнэ савсыруйхулыт варимат: вортолнойка, сёрп, кит салы, хурум хайтнут, вөр пурш, ращ.

Тувыл савсыр нётнэ вит сосхатнэ мат, руш щирыл – фонтанит, няврамыт тахсан паровозикит, савсыр нётнэ каруселит олэгыт. Махум такем сав. Тот сунсыглахтым кол-ала уиң «Дерево дружбы» похын ёхтысум. Хорамыңыг масхатым клоунит такем поргащлэгыт, йиквэгыт.

Усыт олнэ савсыр дополнительное образование хаништан махум варнэ рупатаныл

суссылтасыт, организацият, махум магыс ёнгын предпринимателит, савсыр учрежденият. Ты халт «Лылың союмт» рупитан хотпат ош олсыт, лупта аканит, тарыг пакваканит, мань тор аканяквет хумыс варавет, суссылтасыт. «Юный натуралист» наппа станция уйхуланыл суссылтасыт. Ты халт савсыр атың утыт тыналавёсыт.

Махум ушлахтын хотал рупитам наканыл порсыг ат миная, сав хотпа няврамың тагыл тот ёмыгтасыт, ушлахтасыт. Хотьютын матарыг хаништахтын вармал мустыс, элаль ты махмыт палт хаништахтункв ялантаңкв патэгыт. Тох ты уст олнэ савсыр вармал суссылтаве.

Анна АЛГАДЬЕВА



Ты хурит Раиса Мартыновна Гаврильчик (Анямова) посылым олы, тав няврамыт акань воруңкв хаништас.

Пёс вармалит элаль тотнэ аги



Ты хурит Анна Павловна Дунаева посылым олы. Тав аще Павел Дунаев, ойка «Малая Сосьва» наппа заповедникт вөр сагрим рупиты. Тот рупитанкв овылтахтате пасныл ань ват талыг ты ёмты. Анна омаэт удмуртка нё.

Аги Ханты-Мансийск уст Югорский университет асталас, тувыл юв миная. Ань Югорск үс музей колт рупиты.

Ты сака ёмас щёмья. Акв хотты талт округув янытыл вэрыглым касылт «Семья года» тан кассыт, округ кушчаювн тот янытлавёсыт.

Валентина ВАСИЛЬЕВА



Луима сэрипос
(Северная заря)
№19 (1085), 10.10.2014
Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция
Главный редактор –
Решетникова Р.Г.
Телефон (3467)33-36-82
И.о. заместителя главного
редактора – **Узель В.В.**
Телефон (3467)33-22-72
Старший корреспондент –
Ромбандеева С.М.
Телефон (3467)33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467)33-17-52
E-mail: luima@ugracom.ru
Газета размещена на сайте
www.khanty-yasang.ru
Отпечатано:
ОАО «Издательский дом
«Новости Югры» г. Ханты-
Мансийск», ул. Мира, 46.

Подписано в печать:
по графику 8.10.2014 г.
в 15.00.; фактически
8.10.2014 г. в 15.00.
Индексы **04399, 54399**
Тираж **1750 экз.**
Заказ **1413**
Цена свободная
Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по Тюменской
области, ХМАО-Югре и
ЯНАО.

Свидетельство о регистрации
ПИ №ТУ
72-00795 от 23 января 2013г.